
Гиёҳвандлик - умр заволи

Аввал хабар берилганидек, “Гиёҳвандликка қарши долзарб ойлиги” доирасида Ўзбекистон туманида комплекс тарғибот тадбирлари ўтказилмоқда.

Бугун туман ҳокимлигида бўлиб ўтган навбатдаги давра суҳбати ҳам айна мавзуга бағишланди.

Туман ҳокимлиги ва ички ишлар бўлими вакиллари, Ички ишлар вазирлиги академияси мутасаддилари ҳамда Ўзбекистон, Фурқат ва Бешариқ туманларида яшовчи хотин-қизлар вакиллари қатнашган тадбирда келажагини ўйлайдиган инсон бундай иллатлардан ўзини узоқ сақлаши ва атрофдагиларни ҳам шунга даъват этиши лозимлиги таъкидланди.

Тадбирда маъруза қилган туман ИИБ бошлиғининг биринчи ўринбосари Мирзоҳиджон Юлдашев гиёҳвандлик воситалари ва психотроп моддаларни тарқатиш билан боғлиқ ноқонуний ҳаракатлар учун жиноий жавобгарлик тўғрисида батафсил тушунтиришлар берди. Шунингдек, бундай моддаларни истеъмол қилиш оқибатлари, уларнинг саломатликка ҳамда жамиятга салбий таъсир қилишини тушуниб етиш муҳимлиги таъкидланди.

Тадбир якунида мавзу юзасидан видеоролик намойиш этилди, бу эса иштирокчиларга мазкур муаммонинг жиддийлигини янада чуқурроқ тушуниш имконини берди.

“Гиёҳвандликка қарши долзарб ойлиги” доирасидаги комплекс тарғибот тадбирлари туман бўйлаб давом этмоқда.

2024-10-03 18:52:27